



## **BARAZA LA WAWAKILISHI – ZANZIBAR**

### **ORODHA YA SHUGHULI ZA LEO**

### **BARAZA LA TISA LA WAWAKILISHI**

### **MKUTANO WA SABA**

**Kikao cha Tano – Tarehe 03 Oktoba, 2017.**

Kikao Kitaanza Saa 3.00 (Tatu) Asubuhi  
na Dua itasomwa.

#### **I. TAARIFA YA SPIKA:**

#### **II. HATI ZA KUWASILISHA MEZANI:**

##### **Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:**

Hotuba ya Uwasilishaji wa Ripoti ya Ofisi ya Rais, Tawala za Mikoa, Serikali za Mitaa na Idara Maalum za SMZ ya Utekelezaji wa Maagizo ya Kamati ya Sheria, Utawala Bora na Idara Maalum kwa mwaka 2016/2017.

##### **Waziri wa Ujenzi, Mawasiliano na Usafirishaji:**

Hotuba ya Uwasilishaji wa Ripoti ya Wizara ya Ujenzi, Mawasiliano na Usafirishaji ya Utekelezaji wa Maagizo ya Kamati ya Ardhi na Mawasiliano kwa mwaka 2016/2017.

##### **Mwenyekiti wa Kamati ya Sheria, Utawala Bora na Idara Maalum:**

Hotuba ya Maoni ya Kamati ya Sheria, Utawala Bora na Idara Maalum Kuhusu Ripoti ya Ofisi ya Rais, Tawala za Mikoa, Serikali za Mitaa na Idara Maalum za SMZ ya Utekelezaji wa Maagizo ya Kamati ya Sheria, Utawala Bora na Idara Maalum kwa mwaka 2016/2017.

### **Mwenyekiti wa Kamati ya Ardhi na Mawasiliano:**

Hotuba ya Maoni ya Kamati ya Ardhi na Mawasiliano Kuhusu Ripoti ya Wizara ya Ujenzi, Mawasiliano na Usafirishaji ya Utekelezaji wa Maagizo ya Kamati ya Ardhi na Mawasiliano kwa mwaka 2016/2017.

### **III. MASWALI:**

#### **Ofisi ya Makamu wa Pili wa Rais:**

123. MHESHIMIWA MACHANO OTHMAN SAID (Jimbo la Mfenesini) - Atamuuliza Mheshimiwa Waziri wa Nchi, Ofisi ya Makamu wa Pili wa Rais:

Katika kuimarisha hadhi ya Mabunge hasa ya Jumuiya ya Madola, Serikali nyingi zimekuwa zikitoa vipaumbele vikubwa kwa kamati za kudumu za Mabunge katika kujadili bajeti ya Serikali na kupitisha sheria za nchi. Katika kufanikisha hilo, Serikali hizo zimekuwa zikiwaalika Wenyeviti na Wajumbe wa kamati kwenye uzinduzi wa miradi ya kisekta na safari za viongozi wa Wizara hizo ili kujenga uelewa na kuimarisha uhusiano mzuri kati ya Serikali na wananchi kupitia viongozi.

- (a) Ni sababu zipi ambazo zinapelekea Serikali ya Mapinduzi ya Zanzibar kutotoa fursa kwa Wenyeviti wa kamati kutoa neno lolote wakati wa uzinduzi wa miradi ambayo ipo ndani ya Wizara ambazo zinasimamiwa na kamati husika.
- (b) Kwanini viongozi wa Wizara za Serikali hawaoni umuhimu wa kufuatana na Wenyeviti au Wajumbe wa kamati wakati wa ziara zao na ndani na nje ya nchi.

**Ofisi ya Rais, Katiba, Sheria, Utumishi wa Umma na Utawala Bora:**

48. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Kwa kuwa Ripoti ya Mdhibiti na Mkaguzi Mkuu wa Hesabu za Serikali ya mwaka 2013/2014 ilionesha kwamba zipo baadhi ya taasisi za Serikali ambazo zilipewa hati zenye shaka na hati zisizoridhisha kutokana na wasiwasi kwamba kulikuwa na baadhi ya matumizi mabaya ya fedha za umma, yaliyofanywa na baadhi ya watumishi wa umma na kwamba mpaka sasa hakuna taarifa yoyote juu ya watu hao kama kuna hatua yoyote ya kinidhamu iliyochukuliwa dhidi yao.

- (a) Je, ni lini watumishi hao ambao walisababisha Wizara au taasisi zao kupata hati mbaya au hati zenye shaka watachukuliwa hatua za kinidhamu kwa kusababisha kupatikana kwa hati za aina hizo.
- (b) Je, Serikali ina mikakati gani ya kuchukua hatua kwa watumishi wa aina hiyo ili kuikomesha tabia hiyo.

**Ofisi ya Rais, Tawala za Mikoa, Serikali za Mitaa na Idara Maalum za SMZ:**

19. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Serikali ya Mapinduzi ya Zanzibar inastahili pongezi kwa kuwapa wananchi elimu ya usafi wa mazingira. Hata hivyo, bado inaonekana kuwa uelewa wa suala hilo ni mdogo kwani wananchi wengi wanashindwa kusafisha hata kwenye maeneo ya nyumba zao na kuona kama ni kazi ya Manispaa pekee.

- (a) Je, suala la mtu kusafisha eneo la nyumba yake ni kazi ya nani kisheria.
- (b) Kama ni kazi ya mwenye eneo la nyumba, ni adhabu gani anapewa kama hakufanya usafi.
- (c) Ni lini Serikali mara ya mwisho imetoa tangazo la usafi na kuweka tarehe ya mwisho ya tangazo hilo na

ni adhabu gani mtu atachukuliwa kwa kutokutii amri hiyo.

- 25 MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Pamoja na jitihada za Serikali ya Mapinduzi ya Zanzibar za kuifanya miji yetu kuwa safi, bado suala la usafi hasa eneo la masoko ya kuuzia nyama, samaki sehemu za matunda na sehemu za nje ya masoko imekuwa na changamoto kubwa hasa katika mitaro ya maji machafu na mifereji ya maji safi.

- (a) Je, Serikali inalijua hilo.
- (b) Masoko yetu yanajengwa vipi bila ya miundombinu mizuri ya usafi.
- (c) Kama miundombinu sio mizuri, ni lini tutaipanga iwe mizuri ikiwemo suala la usafi wa masoko hayo.

**Wizara ya Fedha na Mipango:**

81. MHESHIMIWA JAKU HASHIM AYOUB (Jimbo la Paje) – Atamuuliza Mheshimiwa Waziri wa Fedha na Mipango:

Kwa muda mrefu sasa Jengo la Hoteli ya Bwawani limekuwa katika matengenezo ambayo hayaonekani maendeleo yake. Hoteli hiyo ilivunjwa wakati ikiwa inazalisha fedha kutokana na shughuli mbali mbali zilizokuwa zikifanyika ndani ya Hoteli hiyo.

Je, ni lini Serikali italeti mkataba wa Ujenzi wa Hoteli ya Bwawani ili kujuwa maendeleo ya Ujenzi na wananchi kujuwa kiasi gani cha fedha kinapotea.

### **Wizara ya Elimu Na Mafunzo ya Amali:**

9. MHESHIMIWA MWANTATU MBARAK KHAMIS (Nafasi za Wanawake) - Atamuuliza Mheshimiwa Waziri wa Elimu na Mafunzo ya Amali:

Idadi ya ufaulu kwa wanafunzi wenye ulemavu wa aina mbali mbali inaonekana ni ndogo sana kwa mujibu wa taarifa iliyotolewa na Mhe. Waziri wa Elimu na Mafunzo ya Amali siku ya Ijumaa tarehe 23 Juni, 2017.

Je, Serikali ina mpango gani wa kuwasaidia wanafunzi wenye ulemavu kuwa na mazingira bora ya kielimu yatakayowawezesha kufaulu kama wanafunzi wengine wasio na ulemavu.

### **Wizara ya Biashara, Viwanda na Masoko:**

- 28 MHESHIMIWA JAKU HASHIM AYOUB (Jimbo Paje) - Atamuuliza Mheshimiwa Waziri wa Biashara, Viwanda na Masoko:

Tarehe 22/8/2017, Vyombo vya habari vilitangaza kwamba wanunuzi wa mwani wamekuwa wakilalamikia Wizara ya Biashara, Viwanda na Masoko kupata vikwazo wakati wa usafirishaji wa mwani wao kupelekwa nje ya nchi.

- (a) Je, kuna Kampuni ngapi zinazonunua mwani Unguja na Pemba.
- (b) Je, tunawasaidia vipi wakulima wa mwani baada ya kupoteza muda wao katika kilimo hicho kwa kuzingatia agizo la Mhe. Rais wa Zanzibar na Mwenyekiti wa Baraza la Mapinduzi kuagiza Wizara nne (4) ambazo ni Wizara ya Afya, Wizara ya Biashara, Viwanda na Masoko, Wizara ya Fedha na Mipango na Wizara ya Kilimo, Maliasili, Mifugo na Uvuvi zikae pamoja kutatua tatizo hilo.
- (c) Je, Serikali iko tayari kujipanga katika kununua zao hilo kama inavyonunua zao la karafuu ili kuwanyanyua kiuchumi wakulima hasa akina mama.

**Wizara ya Kilimo, Maliasili, Mifugo na Uvuvi:**

53. MHESHIMIWA OMAR SEIF ABEID (Jimbo la Konde) - Atamuuliza Waziri wa Kilimo, Maliasili, Mifugo na Uvuvi:

Mradi wa ujenzi wa miundombinu ya umwagiliaji maji mashambani wenye thamani ya Dola milioni 50 za Kimarekani ambao ungelikidhi kutumika kwa jumla ya hekta 1560, haukukamilika kutokana na kukosekana Mkandarasi wa ujenzi huo wa miundombinu ya umwagiliaji maji.

- (a) Je, ni lini taratibu za zabuni ya kupata mkandarasi mwingine itakamilika ili kuwezesha mradi huo mkubwa kuanza.
- (b) Iwapo mradi huo utakamilika, ni wakulima wangapi wanaotarajiwa kunufaika na mradi huo, na maeneo gani zaidi yaliyolengwa na ni kilimo cha aina gani kilichokusudiwa katika maeneo hayo.
- (c) Je, Dola Millions 50 za Marekani ambazo zitatumika kwa mradi huo ni mkopo au ni ufadhili wa wahisani.

**Wizara ya Afya:**

127. MHESHIMIWA HIDAYA ALI MAKAME (Nafasi za Wanawake) – Atamuuliza Mheshimiwa Waziri wa Afya:

Katika kijiji cha Uzi Ng'ambwa, wananchi wamepata dhiki katika huduma za afya kutokana na ukosefu wa madaktari na huduma nyingi katika Kituo cha afya kilichopo kijijini hapo. Kwa kuwa huduma za Afya ni miongoni mwa mambo ya kupewa kipaumbele na Serikali katika kuhakikisha kuwa wananchi wanapata huduma bora za afya, kwa kuwa ni jukumu la Serikali kuhakikisha inawapatia wananchi wake wote huduma bora za afya bila usumbufu wowote.

Je, Wizara inafahamu kuwepo kwa hali hiyo kijijini hapo na imechukua hatua gani kukiboresha kituo hicho hasa ikizingatiwa kuwa nyumba ya madaktari ipo na ni nyumba ya kisasa lakini haitumiwi na madaktari jambo ambalo linapelekea usumbufu mkubwa kwa wananchi wanapohitaji huduma za afya kituoni hapo.

## **Wizara ya Ujenzi, Mawasiliano na Usafirishaji:**

18. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Ujenzi, Mawasiliano na Usafirishaji:

Katika Mji wa Chake Chake, barabara inayokwenda Weshani ni njia moja tu na kuna daraja la zamani la Pondeani ambapo zikinyesha mvua kubwa maji hupita juu na daraja hilo si la kuaminika sana kutokana na uchakavu. Lakini ipo njia nyengine mbadala ya kiwanja cha watoto kupitia daraja la Tingatinga ambayo tatizo lake ni daraja.

- (a) Je, Serikali haioni umuhimu wa kulijenga daraja hilo kwa sasa kabla ya dharura hiyo haijaitokeza kwa kuzingatia umuhimu wake wa kuunganisha na eneo la Weshani ambapo ndipo kwenye mafuta yanayotumika kwa kisiwa chote cha Pemba na pia kituo cha Umeme cha Weshani.
- (b) Barabara hiyo ya Tingatinga kwa sasa inapitwa na waenda kwa miguu lakini alama ya barabara ya zamani ipo, ni lini Serikali itaipima kabla haijavamiwa kwa kujengwa nyumba.
- (c) Je, Serikali haioni umuhimu wa kupima na kusafisha barabara hiyo kwa kuweka alama ya upana na kuongeza eneo la ziada kwa vile eneo hilo bado halina majengo.

131. MHESHIMIWA MWANAIDI KASSIM MUSSA (Nafasi za Wanawake) – Atamuuliza Mheshimiwa Waziri wa Ujenzi, Mawasiliano na Usafirishaji:

Kutokana na ongezeko la magari katika mji wa Zanzibar limekuwa ni tatizo kubwa kusafiri kutoka sehemu moja kwenda sehemu nyengine. Tatizo hilo huzidi kujitokeza wakati watu wanapokwenda na kutoka kazini, ambapo nchi za wenzetu tatizo hilo limepatiwa ufumbuzi kwa kurasimisha usafiri wa pikipiki au hata bajaji. Usafiri huo unatumika zaidi pale linapotokea jambo la dharura kwa mtu kuweza kufika kwenye eneo husika au kutaka kuwahi anapokwenda.

- (a) Kwa vile usafiri huu unatumika sehemu nyingi duniani, nini kinatuzuia sisi Zanzibar tusirasimisha usafiri huu ili kuwaondelea adha wale wanaotaka

kuwahi asubuhi kama wale wanao kwenda kazini au katika shughuli zao binafsi ili kufukuzana na wakati.

- (b) Kwa vile hata bila ya ruhusa rasmi usafiri huo sasa umeshakuwa maarufu na unawasaidia wengi hasa katika sehemu ambazo hawana usafiri wa gari, kwa nini Serikali inaendelea kulifumbia macho jambo hilo.
- (c) Kwakuwa Serikali haina ajira za kutosha kwa vijana wetu, na wenye bodaboda wameamua kujiajiri na kuanzisha umoja wao ili waweze kusajiliwa rasmi, Je mtakataa kufanya hivyo kwa sababu ni chombo cha magurudumu mawili.

112. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Ujenzi, Mawasiliano na Usafirishaji:

Rais wa Zanzibar na Mwenyekiti wa Baraza la Mapinduzi, Mheshimiwa Dkt. Ali Mohammed Shein anastahiki pongezi kwa kutekeleza ahadi mbali mbali alizotoa wakati wa Kampeni. Hata hivyo, kuna ahadi ya ujenzi wa njia ya Ukongoroni aliwahi kuitowa kwenye uwanja wa zikri tokea alipokuwa anawania kuchaguliwa katika kipindi cha kwanza cha uongozi wake ambayo bado haijatekelezwa hadi sasa.

Je, ahadi ile ya muda mrefu ya ujenzi wa njia ya Ukongoroni itatekelezwa lini.

### **III. HOJA ZA SERIKALI:**

#### **Ofisi ya Rais, Tawala za Mikoa, Serikali za Mitaa na Idara Maalum za SMZ:**

Ripoti ya Ofisi ya Rais, Tawala za Mikoa, Serikali za Mitaa na Idara Maalum za SMZ ya Utekelezaji wa Maagizo ya Kamati ya Sheria, Utawala Bora na Idara Maalum kwa mwaka 2016/2017.



**Waziri wa Ujenzi, Mawasiliano na Usafirishaji:**

Ripoti ya Wizara ya Ujenzi, Mawasiliano na Usafirishaji ya Utekelezaji wa Maagizo ya Kamati ya Ardhi na Mawasiliano kwa mwaka 2016/2017.

Zanzibar,  
03 Oktoba, 2017.

(Raya Issa Msellem)  
**KATIBU WA BARAZA.**